

周

禮

正

義

周禮正義卷四十八

瑞安孫詒讓學

龜人掌六龜之屬各有名物天龜曰靈屬地龜曰繹屬東龜曰果屬西龜曰鼈屬南龜曰玃屬北龜曰若屬各以其方之色與其體辨之屬言非一也色謂天龜玄地龜黃東龜青西龜白南龜赤北龜黑龜俯者靈仰者繹前弁果後弁玃左倪靈右倪若是其體也東龜南龜長前後在陽象經也西龜北龜長左右在陰象緯也天龜俯地龜仰東龜前南龜卻西龜左北龜右各從其稱也杜子春讀果爲臽〔綱〕掌六龜之屬者此官掌藏龜史記龜策傳云夏殷欲卜者乃取蓍龜已則棄去之至周室之卜官常寶藏蓍龜蓋謂此官也白虎通義蓍龜篇引禮三正記云天

子龜長一尺二寸諸侯一尺大夫八寸士六寸說文龜部說同
然則六龜名物雖異其度皆長尺二寸漢書食貨志所謂元龜
是也 注云屬言非一也者說文尸部云屬連也屬者連屬不
一之稱故凡物種類不一者率數舉之則云某屬云色謂天龜
玄地龜黃東龜青西龜白南龜赤北龜黑者依畫續六方之色
說之黃以周云樂記青黑綠者天子之寶龜也青綠卽東龜黑
綠卽北龜公羊定八年傳云龜青純何注龜甲頤也千歲之龜
青頤詒讓案禮器孔疏引爾雅郭注有卜龜黃靈黑靈之屬唐
六典李注亦載太卜令卜法云春用青靈夏用赤靈秋用白靈
冬用黑靈四季之月用黃靈初學記龜部引柳隆龜經說略同
卽方色之龜也云龜俯者靈者以下並爾雅釋魚文郭注云行

頭低案天象下覆故龜甲俯者亦屬天王應麟王會篇補注引
尚書大傳孟諸靈龜鄭彼注以爲卽此天龜若然天龜出孟諸
與惠士奇云謂行頭低甲亦前低云卽者釋者郭本釋魚作仰
者謝注云行頭仰爾雅釋文云謝眾家本作射案射釋古音近
字通鄭玉藻注亦作射賈疏云地在下法之故向上仰也惠士
奇云謂行前頭仰甲亦前仰云前弁果者釋魚云前弁諸果郭
注云甲前長案諸發聲故省之弁謂甲長掩覆其體詳典同疏
賈疏云東龜在陽方故甲向前長而前弁也云後弁獵者釋魚
云後弁諸獵郭注云甲後長賈疏云南龜亦在陽方故甲後長
而後弁云左倪雷者大司樂鼙鼓鼙鼓注並從隸省作雷此注
疑亦當作雷後人依經改爲雷釋魚云左倪不類郭注云行頭

左庫今江東所謂左食者以甲卜審廣雅釋詁云倪褒也呂氏春秋序意篇云以日倪而西望知之倪卽謂褒側也莊子天下篇云日方中方睨倪睨字通邵晉涵云露與類同聲近而轉不爲發語聲故鄭引之從省文賈疏云以其在陰方故不能長前後而頭向左相睥睨然惠士奇云行頭左庫甲亦左長云右倪若者釋魚云右倪不若郭注云行頭右庫爲右食甲形皆爾案墨子耕柱篇云夏后開卜於白若之龜蓋卽此北龜也賈疏云亦在陰方故亦不長前後而頭向右睥睨然惠士奇云行頭右庫甲亦右長倪猶庫也賈以睨爲睥睨失之龜人所辨者甲之體耳安問龜之左右顧哉案惠說是也卜師云凡卜辨龜之上下左右陰陽以授命龜者彼注亦以六龜爲釋彼臨卜辨授乃

已治之龜甲則所謂俯仰象倪者自指甲體言之釋魚郭注並據行頭爲訓與鄭義違賈反據彼釋鄭疏矣釋魚別有十龜二曰靈龜三曰攝龜禮器疏引郭注以靈龜當此天龜攝龜當此地及四方之龜檢今本爾雅注無此義鄭此注亦不引彼文孔說疑不足據云是其體也者賈疏云體有二法此經體據頭甲而言占人云君占體體謂兆象與此異也呂飛鵬云案鄭注中庸四體則謂龜之四足春占後左夏占前左秋占前右冬占後右專以其足言之與此異云東龜南龜長前後在陽象經也者賈疏云據甲而言凡天地之間南北爲經東西爲緯云西龜北龜長左右在陰象緯也者此亦謂甲左右長也賈疏謂據頭爲說失之云天龜俯地龜仰東龜前南龜後西龜左北龜右各從

其耦也者賈疏云此鄭解兩兩相對爲長短低仰之意也云杜
子春讀果爲羸者爾雅釋文云果眾家作裏唯郭作此字案果
羸裏聲類並同賈疏云此龜前甲長後甲短露出邊爲羸露得
爲一義故鄭引之在下凡取龜用秋時攻龜用春時各以其物
入于龜室六龜各異室也秋取龜及萬物成也攻治也治龜骨
以春是時乾解不發傷也疏凡取龜用秋時攻龜用春時者此
官以秋時令龜人取龜龜人既得龜獻之此官則受殺而乾之
以待春時攻治之以備用二官相與爲官聯也云各以其物入
于龜室者賈疏云龜有六室物色也六龜各入於一室以其著
龜歲易秋取春攻訖即欲易去前龜也注云六龜各異室也
者莊子秋水篇云吾聞楚有神龜死已三千歲矣王巾笥而藏

之廟堂之上然則龜室卽句也龜別爲一筭故云異室非每龜
別爲築室也惠士奇云龜室在廟中史記龜策傳王者發軍行
將必鑽龜廟堂之上以決吉凶漢高廟中有龜室案據惠說則
龜室卽總藏龜甲之府亦通云秋取龜及萬物成也者及其長
成時取則骨體堅備也鼃人亦云秋獻鼃魚月令季夏命漁師
登鼃注云甲類秋乃堅成又引此經謂作月令者誤以秋爲據
周之時故繫之六月詳鼃人疏云攻治也者瘍醫注同謂剗剔
取出甲也史記龜策傳說宋元王殺龜云以刀割之身全不傷
脯酒禮之橫其腹腸是攻龜之事也云治龜骨以春是時乾解
不發傷也者春時尚寒骨易乾故治龜解其甲取其乾則不發
起傷垢白虎通義著龜篇引此文作攻龜用冬時義亦通上春

毀龜祭祀先卜。毀者殺牲以血之神之也。鄭司農云：祭祀先卜者，卜其日與其牲。玄謂：先卜始用卜筮者，言祭言祀尊焉。天地之也。世本作日。巫咸作筮。卜未問其人也。是上春者，夏正建寅之月。月令孟冬云：毀祠龜策相互矣。秦以十月建亥爲歲首，則月令秦世之書亦或欲以歲首毀龜耳。[疏]注云：毀者殺牲以血之神之也者，雜記云：廟成則毀之。注云：廟新成必毀之，尊而神之也。是凡毀並爲神之也。初學記：鱗介部引蔡氏月令章句云：以牲祠龜莢塗以牲血，謂之毀。管子山權數篇說寶龜云：藏諸秦臺，一日而毀之，以四牛。史記龜策傳說：宋元王殺龜，云擇日齊戒，甲乙最良，乃刑白雉及與驪羊，以血灌龜於壇中央，卽毀龜之禮也。鄭司農云：祭祀先卜者，卜其日與其牲者，先鄭意此。

謂凡祭祀之日適人先期爲之卜日與牲凡大祭祀皆卜牲卜日詳大宰大宗伯疏賈疏云後鄭不從者以其此官不主開卜事故不從也云玄謂先卜始用卜筮者者破先鄭先卜爲先事卜日牲之說經止云先卜鄭兼言筮者以卜筮事同後筮人不言祀先筮明此祀先卜兼有先筮也云言祭言祀尊焉天地之也者賈疏云按大宗伯天稱禋祀地稱血祭是天地稱祭祀今此先卜是人應曰享而云祭祀與天地同稱故云尊焉天地之也案鄭賈說未埒此祭祀先卜冢上春爲文猶校人云夏祭先牧也蓋因豳龜而特爲此祭但先卜人鬼小祀不得比之天地經云祭祀自是重疊之文與校人祭馬祖先牧馬社馬步諸文殆無殊別鄭謂尊之經本無此義也引世本作日巫咸作筮者

世本作篇之文明堂位孔疏云世本書名有作篇其篇紀諸作字是也御覽方術部引世本云巫咸堯臣也以鴻術爲帝堯之醫蓋宋衷注文書君奭云在大戊時則有巫咸父王家又書序云伊陟相大戊伊陟贊于巫咸孔疏引鄭書注云巫咸巫官史記封禪書云伊陟贊巫咸巫咸之興自此始疑鄭謂巫咸卽殷巫咸也藝文類聚方術部引古史考云庖犧氏作卦始有巫其後殷時巫咸善筮說亦與世本異未知孰是賈疏云曲禮云卜筮者先聖王之所以信時日其易所作卽伏犧爲之矣但未有揲蓍之法至巫咸乃教人爲之故巫咸得作筮之名云卜未聞其人也者以世本及先秦古書無作卜之文也云是上春者夏正建寅之月者天府注云上春孟春也云月令孟冬云雩祠

策相互矣者月令云是月也命太史蠶龜策鄭彼注云筮著也
今月令曰蠶祠祠衍字案呂氏春秋孟冬紀作命大卜禱祠龜
策此官卽大卜之屬則呂隨作大卜是也鄭此注依今月令作
蠶祠亦兼證有先卜之祭也云相互者淮南子叙真訓高注云
舛互也鄭意此以上春與月令孟冬蠶時舛互不合月令注亦
云秦與周異賈疏謂周與秦各二時蠶龜策月令孟冬蠶則周
孟冬亦蠶之周以建寅上春蠶秦亦建寅上春蠶之故云相互
是謂二經皆互文見義非舛也孔疏亦與賈同誤云秦以十
月建亥爲歲首則月令秦世之書亦或欲以歲首蠶龜耳者賈
疏云據此注則周秦各一時證此鄭兩解按月令注云周禮龜
人上春蠶龜謂建寅之月也秦以其歲首使太史蠶龜策與周

異矣彼注與此後注義同也案賈說亦非也鄭月令注與此注皆止一說上以二文列互此乃以意推測其故謂月令雖與此經相校三月而此上春爲周之歲首月令孟冬爲秦之歲首時月不同其爲歲首則一或秦時習聞周法以歲首蠶龜策則亦以其亥正歲首之月釁之此蓋爲月令周官作調人明二書非苟爲差異耳其云月令秦世之書者月令疏引鄭目錄云月令本呂氏春秋十二月紀之首章也以禮家好事鉅合之後人因題之名曰禮記言周公所作其中官名時事多不合周法孔氏說之云秦以十月建亥爲歲首而月令云爲來歲授朔日卽是九月爲歲終十月爲授朔此是時不合周法然按秦始皇十二年呂不韋死二十六年并天下然後以十月爲歲首歲首用十

月時不韋已死十五年秦爲水位其來已久秦文公獲黑龍以爲水瑞何怪未平天下前不以十月爲歲首乎案孔說是也史記秦始皇本紀始皇二十六年初并天下始皇推終始五德之傳以爲秦代周水德之始改年始朝賀皆自十月朔是謂改正始於始皇鄭則以爲秦并天下之前已改從亥正故月令季秋令諸侯制百縣爲來歲受朔日注亦以秦建亥九月爲歲終爲說與史記異今攷史記秦本紀昭襄王四十二年先書十月宣太后薨後書九月穰侯出之陶四十八年先書十月韓獻垣雍後書正月兵罷則昭襄王己以十月爲歲首故書於正月九月之前是始皇以前秦已建亥於史亦有明徵足證鄭孔之說矣若有祭事則奉龜以往奉猶送也送之所當於上

疏若有祭事

則奉龜以往者賈疏云此云祭事不辨外內則外內俱當卜皆奉龜以往所當卜處 注云奉猶送也者天府注同云送之所當於卜者謂廟中所卜之處也郊特牲云卜郊作龜于禰宮案禮特牲少牢饋食筮祭皆於廟門之外土冠禮筮亦然土喪禮卜日在殯宮之門外以楨在殯寢門與廟門同也惟筮宅在北南與常事異旅亦如之喪亦如之疏旅亦如之者大宗伯云國有大故則旅上帝及四望注云陳其祭事以祈焉禮不如祀之備也是旅輕於常祭故於祀事外別言之云喪亦如之者賈疏云謂卜葬宅及日皆亦奉龜往卜處也

華氏掌其燹契以待卜事杜子春云燹讀爲緇日燹之燹或曰如薪樵之樵謂所藝灼龜之木也故謂之燹契謂契龜之鑿也

詩云爰始爰謀爰契我龜玄謂士喪禮曰楚煇置于燋在龜東
楚煇卽契所用灼龜也燋謂炬其存火疏華氏者段玉裁云華
鈔釋文曰垂氏本又作華余仁仲本藏音義同案垂卽說文垂
字假垂爲華集韻曰周禮華氏或作垂是也垂隸作垂華說文
作華從竹今周禮從艸非也華所以擊馬也煇用荆華之類故
曰華氏阮元云下垂之字說文作垂周禮借以爲荆華字也序
官內作華氏而今本誤從艸作華此作假借垂字周禮內有前
後字不同者案段阮說是也敘官作華此作垂者猶地官敘官
館人掌人本職作爵人搞人今本敘官及此經並作華者傳寫
變華爲華後人又依敘官以改此也互詳敘官疏注杜子春
云燋讀爲細曰燋之燋者段玉裁云細目燋蓋漢人有此語諸

同焦其字不當從火轉寫誤也說文曰醺面焦枯小也晉灼漢書音義曰三輔謂憂愁而省瘦曰焦其皆與細目焦之語略同讀爲當作讀如此擬其音也謂其物微小也案段說是也云或曰如薪樵之樵者段玉裁云曰如二字當作讀爲所熟灼龜之木得謂之樵也此易其字也案段改如爲爲是也曰字則疑不誤云謂所熟灼龜之木也故謂之樵者說文火部云熟燒也杜意燧卽析楚木爲薪以熟火灼龜者故取薪樵爲義其說與禮經不合故鄭不從樵宋安州本作燧則是取熟灼爲義與鄭讀同亦通云契謂契龜之器也者杜意燧爲灼龜木別有鑿龜之器謂之契蓋以金爲之若鑽鑿之類釋名釋書契云契刻也刻誠其數也漢書敘傳云且算視於契龜顏注亦訓契爲刻說文

刳部云契刻也契卽契之段字蓋契龜之鑿亦所以鑽刻故直
謂之契也引詩云爰始爰謀爰契我龜者詩大雅縣文彼說太
王卜都之事毛傳云契開也開刻義近卽謂鑿之杜意詩契龜
亦爲鑿刻故引以爲證鄭則不取鑿龜之義故彼箋云契灼其
龜而卜之與毛杜異也云玄謂士喪禮曰楚焯置于燠在龜東
楚焯卽契所用灼龜也者士喪禮云卜人先奠龜于西塾上南
首有席楚焯置于燠在龜東注云楚荆也荆焯所以鑽灼龜者
黃以周云後鄭以禮經陳龜有燠楚焯而無契周官有燠契而
無楚焯是楚焯卽契所以灼龜者也故箋詩易毛傳而曰契灼
我龜注周禮易杜先鄭注而曰楚焯卽契所用灼龜又以古法
相傳有鑽龜事故注士喪禮有楚焯所以鑽灼龜之文然與鑽

鑿之義自異也案黃說是也鄭以下文云遂斂其煖契若非灼
龜之木則不得云斂故知契與楚煇是一依杜義灼龜用燧鑿
龜用契灼鑿不同物鄭則謂鑽卽用灼木二義不同以史記龜
策傳取之則鑽與灼自是二事故大卜先鄭注亦謂先鑿後熱
敘次甚明但諦審此經煖契則煇爲灼龜之木竊意龜卜所用
有金契有木契金契用以鑽鑿木契卽楚煇用以熱灼以二者
皆刻削其端使鑽銳故同謂之契實則異物也毛杜二鄭咸偏
據一隅故滋淆悟此經之契則是木非金杜義固不若後鄭之
允也互詳大卜疏云燧謂炬其存火者土喪禮注云燧炬也所
以然火者也少儀云執燭抱燧注云未熟曰燧案燧卽未熟之
燭燭卽已熟之燧一者同物異名故下文云熟燧鄭意凡灼龜

先用燧取火而後以契就燧燃之乃以灼龜灼龜用契不用薪也段玉裁云鄭君不易字云燧謂炬炬卽說文苙字苙束葦燒之也鄭意燧用葦然契契用荆灼龜杜云燧謂灼龜之木非也其存火儀禮注作以然火說文火部曰燧所以然持火也引用禮以明火然燧黃以周云苙束而燒之所以存其火故曰其存火燒而存之以待然契故下文獻其燧契注曰以契柱燧火而吹之也燧火存而不焚故然契須柱而獻之案段釋燧契黃釋其存火皆得鄭情蓋存者留也卜之時必先持火以待薪荆支且龜不必一灼卽兆恐契火不續又常用燧留火以備再然此與士喪禮注義異而意同也史記龜策傳云灼以荆若以剛木士喪禮疏亦云其存火者爲炬亦用荆爲之賈彼疏卽本此注

其謂炬亦用荆與說文荃用葦不同未知孰是龜策傳又云卜
 先以造灼龜集解引徐廣讀造爲龜竈殆亦以蕪燠而留火者
 與凡卜以明火蕪燠遂歛其燬契以授卜師遂役之杜子春云
 明火以陽燧取火於日燬讀爲英俊之後書亦或爲俊玄謂燬
 讀如戈鐸之鐸謂以契柱燠火而吹之也契既然以授卜師用
 作龜也役之使助之疏遂歛其燬契以授卜師者歛說文引作
 齋阮元云今本齋作歛者從炊省也說文齋從食炊聲賈疏云
 謂若大卜視高已上則卜師作龜故以燬契授卜師若差次使
 卜人作龜則授卜人云遂役之者賈疏云因事日遂以因授契
 訖卽受卜師所役使也注杜子春云明火以陽燧取火於日
 者陽燧卽司烜氏之夫遂燧俗字賈疏云此秋官司烜氏職文

謂將此明火以燒熟雉使然也云燧讀爲英俊之後皆亦或爲
俊者段玉裁云契卽儀禮之楚焯易燧爲俊者謂其銳頭俊佳
可用開竈也說文火部曰燧然火也從火爰聲周禮曰遂鑪其
燧燧火在前以焯焯龜案許不從杜作俊其二云焯焯者謂灼之
也詒讓案杜但讀燧爲俊而未釋其義以意推之似以燧爲雉
之端故熱而吹之其契則屬下以授卜師爲句杜說契以鑿龜
不以灼龜不得與燧並吹其火也許讀燧知字雖與杜不同而
云燧火在前亦卽謂燧之前端火所熱者又讀遂獻其燧句絕
蓋亦以契下屬與杜義訓略同與鄭讀遂獻其燧契爲句異也
云玄謂燧讀如戈鐔之鐔者賈疏云讀從曲禮云進戈者前其
鐔意取銳頭以灼龜也段玉裁云鄭讀如鐔者兼用其義鐔指

於地煖柱於燠火其狀一也而字可弗易案段說是也釋文煖
 煇二字音異而引李軌並音祖館反則李氏疑以此經之煖與
 楚煇之煇同字非也鄭上注謂楚煇卽契煖契卽然楚煇之端
 與燠相柱者故以楚煇釋契而不云楚煇卽煖此又讀煖爲煇
 不讀爲煇則鄭不謂煖卽煇明矣說文煖字注云煖火在前以
 煇煇繼煖煇並出不云一物其煇字注又絕不及然火之義是
 許君亦不謂煖卽煇也云謂以契柱燠火而吹之也者此亦注
 用今字作吹也廣雅釋器云柱距也謂以楚煇之端距著燠火
 之柱乃吹燠燠火以熱楚煇使然管子弟子職說然燠云攝之
 遠近乃承厥火居句如炬蒸閒容蒸然者處下此以契柱燠火
 吹之蓋與彼略同云契既然以授卜師用作龜也者卜師云揚

火以作龜故此官惟掌熬雉燬契不掌灼龜契既然仍投卜師使作龜也云役之使助之者瞽瞍注云役爲之使此官爲大卜卜師之屬雖不掌作龜然投卜師燬契之後卜師有事仍受其役使佐助爲之也

占人掌占龜以八簪占八頤以八卦占簪之八故以眡吉凶占人亦占筮言掌占龜者筮短龜長主於長者以八筮占八頤謂將卜八事先以筮筮之言頤者同於龜占也以八卦占筮之八故謂八事不卜而徒筮之也其非八事則用九筮占人亦占焉疏注云占人亦占筮言掌占龜者筮短龜長主於長者者此亦注用今字作筮也賈疏云占筮卽此經云以八筮占八頤又云以八卦占筮之八故並是占筮首云掌占龜不云占筮故云主

於長者也鄭知筮短龜長者按左氏僖四年傳云初晉獻公欲以驪姬爲夫人卜之不吉瀝之吉公從策卜人曰筮短龜長不如從長是龜長筮短之事龜長者以其龜知一二三四五天地之生數知本易知七八九六之成數知末是以僖十五年傳韓簡云龜象也筮數也物生而後有象象而後有滋滋而後有數故象長馬融曰云筮史短龜史長者非鄭義也案左傳杜注亦據韓簡之言爲說卽賈所本云以人筮占八頤謂將卜入事先以筮筮之者入事卽大卜云以邦事作龜之八命是也彼經又云以人命者贊三兆三易三夢之占是入事通於卜筮晉人云凡國之大事先筮而後卜是將卜有先筮之法也云筮之言頤者同於龜占也者大卜三兆云其頤皆千有二百注云頤謂繇

也是頤爲龜占之辭但卜用三兆不得有八頤明此是段頤爲筮辭之名以其大事卜筮相兼又三易爻辭亦爲頤語故通得頤名也云以八卦占筮之入故謂入事不卜而徒筮之也者謂此徒筮不卜故不云占入頤也故事義同公羊昭三十年傳云習乎邪斐之故何注云故事也凡入事王所不與者有徒筮詳筮人疏云其非入事則用九筮占人亦占焉者謂小事徒筮者則不用大卜之入命而用筮人之九筮占人通掌卜筮事不別大小故亦占之也凡卜簪君占體大夫占色史占墨卜人占坼體兆象也色兆氣也墨兆廣也坼兆聲也體有吉凶色有善惡墨有大小坼有微明尊者視兆象而已卑者以次詳其餘也周公卜武王占之曰體王其無害凡卜象吉色善墨大坼明則達

吉疏

凡卜筮君占體大夫占色史占墨卜人占坼者此附記凡

卜筮尊卑族占之通法也君通王侯大夫亦通卿及中下大夫言之不徒大卜下大夫二人也白虎通義蒼篇引此經云凡卜筮君視體大夫視色士視墨案占與視義同史作士者此文在大夫下疑班固以爵次易之史占墨與玉藻史定墨同鄭以爲卽大史故大史云大祭祀與執事卜日注云與之者當視墨春秋時亦多使史官占卜是卜筮官與大史爲官聯也殺官大史下大夫二人上士四人卜師上士四人中士八人此史在大夫之下卜人之上以次差之其大史之上士與若依班說作士則或兼合卜師上士義亦通也又案卜筮官亦通謂之史左傳二十八年傳云曹伯之豎侯獯賁筮史國語晉語說晉文

公筮得困云筮史占之皆曰不吉韋注云筮史筮人少牢饋食禮及雜記筮日並有史特性饋食禮作筮人雜記注說亦同彼並卜筮官之屬與此史占筮爲大史異賈疏云此君體已下皆據卜而言而兼云筮者凡卜皆先筮故連言之 注云體兆象

也者詩衛風氓篇解一爾爾體無咎言毛傳云體兆卦之體又玉藻云君定體注云視兆所得也兆所得則有象可見故此注云兆象與中庸注四體謂四足異依毛義卜筮兆卦通得謂之體但此經下文包墨所並專據卜言之則體亦專屬兆體不關卦體也賈疏云謂金木水火土五種之兆言體言象者謂兆之墨縱橫其形體象以金木水火土也凡卜欲作事之時灼龜之四足依四時所灼之其兆直上向背者爲木兆直下向足者爲

水北邪向背者爲火北邪向下者爲金北橫者爲土北是北象
 也案左哀九年傳晉趙鞅卜救鄭遇水適火是古卜北分五行
 之證孔疏引服虔云北南行適火卜法橫者爲土直者爲木邪
 向經者爲金背經者爲火因光而細曲者爲水書洪範孔疏說
 卜北亦同賈說木水火三北與服小異唐六典大卜令職云凡
 兆以千里徑爲母兩翼爲外正立爲木正橫爲土內高爲金外
 高爲火細長芒動爲水有仰伏倚著落起發躍折斷動之狀而
 知其吉凶李筌太白陰經趙卜篇蘇氏演義說卜法並與服賈
 孔說小殊未知孰是云也北兆氣也者說文色部云色顏氣也卜
 北氣發爲色與人顏氣同故兆氣謂之色大卜注說體有五色
 是也詳彼疏云黑兆氣也斯北豈也者賈疏云據兆之正對處

爲兆廣就正墨旁有奇彎鐐者爲兆聲也案賈說是也說文土部云墨書墨也擴裂也圻卽埤之隸變疊者聲之俗墨蓋謂墨光所發之大畫如以墨畫物之界域明顯圻則大畫之旁圻裂之細文卽大卜注所謂釁鐐史記龜策傳說卜法云大者身也小者枝也蘇氏演義引卜法云大曰兆旁出文曰支聲卽枝也國語晉語獻公卜伐驪戎史蘇占之曰遇兆挾以銜骨齒牙爲消戎夏交梓韋注云齒牙謂兆端左右嚙圻有似齒牙中有從畫故銜骨也又史記龜策傳說宋元王得龜事云荆支卜之必制其創理達於理文相錯迎此說墨圻之文理也墨圻對文則異散文亦通故玉藻史定墨注云視兆圻也孔疏云凡卜必以墨畫龜求其吉兆若卜從墨而兆廣謂之卜從但圻是從墨而

裂其旁岐細出謂之爲豎拆是大拆稱爲兆廣小拆稱爲兆豎也案書洛誥說卜營律事云惟洛食僞孔傳云卜必先墨畫龜然後灼之兆順食墨此卽孔穎達所本陳祥道云卜師作龜致其墨則後墨也孔以爲先墨畫龜乃灼之誤江永云墨者火灼所裂之兆非先以墨畫而後灼也兆之體不當安能必其如人所畫案陳江說是也此卜人占拆玉藻又云卜人定龜鄭彼注謂定龜所當用陳祥道謂定龜卽此占拆亦埒莊子逍遙遊篇云宋人有爲不龜手之藥者陸氏釋文引向秀云龜拘拆也是龜拆義同鄭玉藻注失之二云體有吉凶色有善惡墨有大小拆有微明者此並以吉凶相對言之云尊者視兆象而已卑者以次詳其餘也者釋君占體大夫以下占色墨拆之義兆象易見

故君占之色墨垢等委曲繁細故大夫以下以次詳測之也引
周公卜武王占之曰體王其無害者書金縢云既克商二年王
有疾弗豫二公曰我其爲王穆卜周公乃自以爲功爲三壇同
墠乃告大王王季文王乃卜三龜一習吉啓籥見書乃并是吉
周公曰體王其罔害罔鄭引作無與僞孔本異史記魯世家及
鄭玉藻注引並同僞孔傳云公視兆曰如此兆體王其無害言
必愈鄭以彼周公自占體與此君占體相應故引以爲證云凡
卜象吉色善墨大垢明則逢吉者上注吉凶兼舉此偏舉吉占
說之象賈士衷禮疏引作體是也浦鍾孔繼汾並以象爲體之
誤凡卜筮既事則繫幣以比其命歲終則計其占之中否杜子
春云繫幣者以帛書其占繫之於龜也玄謂既卜筮史必書其

命龜之事及兆於策繫其禮神之幣而合藏焉書曰王與大夫
盡并聞金縢之書乃得周公所自以為功代武王之說是命龜
書疏凡卜筮既事則繫幣以比其命者繫釋文作繫云音係案
繫繫並係之段字此疑當經作繫注作繫詳司門疏賈疏云既
事者卜筮事訖卜筮皆有禮神之幣及命龜筮之辭書其辭及
兆於簡策之上并繫其幣合藏府庫之中云歲終則計其占之
中否者此卜筮官之官計也賈疏云至於歲終總計占之中否
而句考之注云杜子春云繫幣者以帛書其占繫之於龜也
者說文巾部云幣帛也謂書所占之吉凶於帛繫於所兆之龜
若筮則亦書帛繫之於筮也云玄謂既卜筮史必書其命龜之
事及兆於策者破杜書帛繫龜之說也書金縢云公歸乃納冊

于金縢之匱中此注云策卽金縢之冊也賈疏云既卜筮卽筮亦有命筮之辭及卦不言者舉龜重者而畧筮不言可知或有筮短龜長直據龜而言其策則否案賈前說是也後說非云紫其禮神之幣而合藏焉者鄭以幣爲禮神之幣不以書命破杜以幣卽爲帛書也小宗伯云若國大貞則奉玉帛以詔號是卜有禮神之幣之證云書曰王與大夫盡弁開金縢之書乃得周公所自以爲功代武王之說是命龜書者亦金縢文孔疏引鄭注云弁爵弁必得弁者承天變降服開金縢之書者省祭變異所由故事也云是命龜書者謂周公所自以爲功代武王之說卽書其命龜之語於策而藏之之事故引以爲證

辨人掌三易以辨九筮之名一曰連山二曰歸藏三曰周易九

簪之名一曰巫更二曰巫咸三曰巫式四曰巫目五曰巫易六曰巫比七曰巫祠八曰巫參九曰巫環以辨吉凶此九巫讀皆當爲筮字之誤也更謂筮遷都邑也咸猶會也謂筮眾心歡不也式謂筮制作法式也目謂事眾筮其要所當也易謂民眾不說筮所改易也比謂筮與民和比也祠謂筮牲與日也參謂筮御與右也環謂筮可致師不也疏掌三易以辨九簪之名者三易中通有此九筮卽筮人之官法也注云此九巫讀皆當爲筮字之誤也者此亦注用今字作筮也下同賈疏云此筮人掌筮不主巫事故從筮也段玉裁云筮之古文作簪巫之古文作𠂔蓋故書脫竹頭今書又改爲小篆之巫矣案段說是也鄭意巫皆簪之壞字劉敞陳祥道薛季宣並讀九巫如字謂巫更等

爲古精筮者九人巫咸卽世本作筮之巫咸巫易當爲易卽楚辭招魂之巫陽莊存與說同其說與鄭異而略有根據附著之以備一讀云更謂筮遷都邑也者此並無正文以意說之說文支部云更改也故有遷義賈疏云此遷都謂公卿大夫之都邑鄭若趙商若武王遷洛盤庚遷殷之等則卜故大卜有卜大遷之事詩鄘風定之方中孔疏云鄭志若趙商云此都邑比於國爲小故筮之然則都邑則用筮國都則用卜也云咸猶僉也者爾雅釋詁云僉咸皆也云謂筮眾心歡不也者眾心歡則爲咸不歡則爲不咸國家有興作之事當順眾心故筮其歡不也左傳二十四年傳富辰曰昔周公弔二叔之不咸與此筮咸義同云式謂筮制作法式也者說文工部云式法也制作禮典爲

後法式故筮其當否云目謂事眾筮其要所當也者小爾雅廣
諸云目要也賈疏云是要目之事故論語顏回曰請問其目鄭
云欲知其要顏回意以禮有三百三千卒雖周備故請問其目
此云事眾故亦筮其要目所當者也云易謂民眾不說筮所故
易也者周書謚法篇云好更改舊曰易政教既敷民眾不說則
當有改易故筮以決之云比謂筮與民和比也者說文比部云
比密也二人爲从反从爲比國家有事欲與民和比亦筮之也
云祠謂筮牲與口也者此皆筮祠祀之事賈疏云按大卜大祭
祀而卜之今此祀不卜而筮者彼大祀用卜此謂小祭祀故用
筮也論議案表記云小事無時日有筮注云有事於小神無常
時常日有筮臨有事筮之彼注又云大事用卜小事用筮然此

注云筮牲與日蓋據常祀之小者言之左傳三十一年傳云禮
不卜常祀而卜其牲日彼謂常祀之大者故有卜也若小神不
在常祀之列者則兼筮祭不徒筮牲日表記所云是也云參謂
筮御與右也者賈疏云參謂參乘之事故知是御及車右勇力
與君爲參乘故筮之也論讓案夏官敘官注云右者參乘此又
兼御言之戰國策秦策高注云三人共載曰驂乘參驂字通若
左傳卜御右之類云環謂筮可致師不也者賈疏云此環與環
人字同彼環人注致師引宣公十二年楚許伯御樂伯攝叔爲
右以致晉師之事明此經筮環亦是主致師以卜之事也趙商
問僖十五年秦晉相戰晉卜右慶鄭吉襄二十四年晉致楚師
求御於鄆鄆人卜宛射犬吉皆用卜今此用筮何鄭荅天子具

周禮正義 禮四十八

十九

禮四十八

官有常人非一人致筮可使者諸侯患官無常人故臨時卜之也凡國之大事先筮而後卜當用卜者先筮之即事漸也於筮之凶則止不卜疏注云當用卜者先筮之即事漸也者舊本即事下並有有字宋婺州本無與賈疏述注及左傳僖四年孔疏引同今據校刪白虎通義菁義篇云不見吉凶於蓍復以卜何蓍者陽道多變變乃成賈疏云此大事者即大卜之八命及大貞大祭禮之事大卜所掌者皆是大事皆先筮而後卜筮輕龜重蓍者先即事故卜即事漸也云於筮之凶則止不卜者賈疏云曲禮云卜筮不相襲若筮不吉而又卜是卜襲筮故於筮凶則止不卜按洪範云龜從筮逆又云龜筮共違於人彼有先卜後筮筮不吉又卜與此經違者彼是箕子所陳用殷法殷質故

與此不同曲禮孔疏云春秋僖二十五年晉卜納襄王得黃帝
戰於阪泉之兆又筮之得大有之睽哀九年晉卜伐宋亦卜而
後筮是大事卜筮並用也但春秋亂世皆先卜後筮不能如禮
其禮既先筮後卜尚書先云龜從者以尊卑言之故先言龜也
鄭注周禮云筮凶則止不卜所以洪範有筮逆龜從者崔靈恩
云凡卜筮天子皆用三代皆龜若三筮並凶則止而不卜鄭云
若一吉一凶雖筮逆猶得卜之也則洪範所云者是也又表記
云天子無筮鄭注云謂征伐出師若巡守也天子至尊大率皆
用卜也春秋傳曰先王卜征五年歲襲其祥孔疏云此云無筮
無徒筮不謂全無筮也答人云國之大事先筮而後卜出師巡
守皆大事者也案諦玩此經及曲禮表記諸文蓋天子凡舉大

事皆當以卜爲斷然於卜之前必先筮之筮得吉占未遽行也
必復卜得吉而後行之御覽禮儀部引五經異義春秋公羊說
祠宗廟筮而不卜鄭所不從詳大宗伯疏其小事則徒卜而已
不先筮是天子惟遇大事以筮先卜然雖得吉占不以爲憑是
不以筮爲重可知小事則又有卜無筮所謂天子無筮也惟巡
守出師在道則有旅故表記又云天子道以筮此則徒筮既筮
不復再卜其云道以筮明道以外無徒筮然古人注又謂入事
有徒筮者蓋謂征伐巡守之外餘事王所不與者亦容有徒筮
與表記文不相照也若孔謂天子大事先筮後卜次事惟卜不
筮小事無卜惟筮則又不然大卜明云凡小事蒞卜作龜八命
亦事兼大小而云天子小事無卜豈其然乎然天子大事雖以

卜爲憑苟先筮不吉則亦不復卜以避相襲故此注云於筮之凶則止不卜曲禮注亦以卜不吉而筮筮不吉而卜爲相襲明此經之大事先筮後卜是筮吉而復卜不爲相襲也其諸侯以下有大事當卜占固可先筮若先筮得吉意欲不卜則亦可行不以徒筮爲嫌表記謂天子無筮明諸侯以下有徒筮矣其天子諸侯以下徒卜之事若雖得吉而意有所疑仍得再筮以決疑輔志亦不爲相襲若左閔二年傳歲成季之將生桓公使卜楚丘之父卜之又筮之是也若卜凶則不得再筮鄭曲禮注引晉獻公卜取驪姬不吉復筮爲貞龜筮正以其卜凶復筮爲非禮也其僖二十五年晉文公納襄王遇阪泉之兆此是吉卜而文公尙有所疑故復筮之與獻公之卜凶而又筮異孔乃誤其

先卜後筮不能如禮不知此經之大事先筮後卜者本謂先筮得吉仍須再卜其先卜得吉而有所疑禮固不禁再筮也至哀九年晉伐宋則趙鞅卜而陽貨別爲之筮兩不相謀既非卜筮相襲亦非先卜後筮孔乃并廢之不亦疏乎其洪範稽疑之例以五從爲大同三從二逆爲吉二從三逆爲作內吉作外凶其所云龜從筮逆正謂卜吉之後卻遇筮凶非謂筮凶之後復得卜吉以此差之其所云龜筮共違於人者明汝逆卿士逆庶民逆之事或遇龜逆或遇筮逆苟二者有一是爲逆備其四便爲大凶非必龜筮並逆二者兼備必成五逆而後爲凶也賈氏不達乃謂彼爲殷法尚質與周不同非也崔憲恩牽於洪範龜從筮逆之文疑筮凶之後不得便止不復卜乃謂必二筮並凶則

正而不卜亦未達節惜矣上春相箬相謂更選擇其著也著龜
歲易者與疏上春相箬者此與龜人上春登龜同於歲首爲之
月令云登祠龜筮則相筮亦登著矣此不言登者文不具也
注云相謂更選擇其著也者矢人相筭注云相擇也此相筮與
彼義同筮用著艸因通謂著爲筮白虎通義著龜篇引禮三正
記云天子著長九尺諸侯七尺大夫五尺士三尺說文艸部說
同是著長短有度著筮有析折或長不中度不可用以筮故必
選擇其佳者以備一歲之用也云著龜歲易者與者賈疏云據
此則著歲易也兼云龜者龜人云及甬川春時明亦以新易故
故知龜亦歲易此龜之歲易者謂龜人天地四時之龜若大寶
龜等非常用之龜不歲易凡國事共箬

占夢掌其歲時觀天地之會辨陰陽之氣其歲時今歲四時也
天地之會建厥所處之日辰陰陽之氣休王前後疏占夢者釋
文云夢本又作寤案說文寤部云寤寐而有覺也引此經文並
作寤又夕部云夢不明也是寤正字夢假借字但敘官及大卜
並不作寤釋文或本不知是故書否也廣韻一迭引此經六夢
亦與說文同云掌其歲時觀天地之會辨陰陽之氣者大卜已
掌三夢之法此占夢官又就六夢分別其名以大卜之法參互
占之注云其歲時今歲四時也者據其夢時之年及四時所
直而後天地之會陰陽之氣可以占也又天地之會建厥所處
之日辰者賈疏云建謂斗柄所建謂之陽建故左還於天厥謂
目前一次謂之陰建故右還於天故舉與天者曰假令正月陽

建於山陰建在戌日辰者日據幹辰據支呂飛鵬云五行大義
云正月日月會於諏訾之次訾諫亥也斗建在寅故寅與亥合
二月日月會於降婁之次降婁戌也斗建在卯故卯與戌合三
月日月會於大梁之次大梁酉也斗建在辰故辰與酉合四月
日月會於實沈之次實沈申也斗建在巳故巳與申合五月日
月會於鶉首之次鶉首未也斗建在午故午與未合六月日月
會於鶉火之次鶉火午也斗建在未故未與午合七月日月會
於鶉尾之次鶉尾巳也斗建在申故申與巳合八月日月會於
壽星之次壽星辰也斗建在酉故酉與辰合九月日月會於大
火之次大火卯也斗建在戌故戌與卯合十月日月會於析木
之次析木寅也斗建在亥故亥與寅合十一月日月會於星紀

之次星紀丑也斗建在子故子與丑合十二月日月會於亥枹
之次亥枹子也斗建在丑故丑與子合此經天地之會當指日
月所會之次而言鄭君謂建辰所處之日辰建卽斗建所在也
賈云厭謂日前一次謂之陰建蓋卽日月所會前一次如建寅
之月日月會於亥厭在戌是也云陰陽之氣休王前後者陽冠
子學問篇云陰陽者分數所以觀氣變也漢書藝文志云陰陽
者順時而發推刑德隨斗�杓因五勝假鬼神而爲助者休王前
後卽以五勝推之故知陰陽之氣卽謂是也王符潛夫論夢列
篇云夫占夢必謹其機故錄其徵候內考情意外考王相卽吉
凶之符善惡之效庶可見也是占夢考王相之證賈疏云案春
秋緯云生王者休王所勝者死相所勝者囚假令春之三月木

王水生木水休木勝土土死木王火相王所生者相相所勝者
囚火勝金春三月金囚以此推之火王金王水王義可知論議
案休王之說又見淮南子墜形訓白虎通義五行篇而五行大
義又有五行休王支干休王八卦休王之義其論甚詳大行並
與春秋緯同以日月星辰占六夢之吉凶日月星辰謂日月之
行及合辰所在春秋昭三十一年十二月辛亥朔日有食之是
夜也晉趙簡子夢童子佩面鰐以歌旦而日食占諸史墨對曰
六年及此月也吳其入郢乎終亦弗克入郢必以庚辰日月在
辰尾庚午之日日始有適火勝金故弗克此以日月星辰占夢
者其術則今人會其遺象也用占夢則亡疏以日月星辰占六
夢之吉凶者卽下正噩六者占夢之官法也列子周穆王篇說

夢有六候並與此經同李光地云古者占夢必參以天地陰陽
謂人感天地陰陽之氣於是乎有動於機而形於夢夫天地之
會陰陽變化於四時不可睹也故察之乎日月星辰而象見矣
史記龜策傳宋元王夢一丈夫延頸而長頭衣玄纁之衣而乘
輜車曰我爲江使於河而幕網當我路豫且得我我不能去王
有德義故來告訴召博士衛平問之平乃援式而起仰天而視
月之光觀斗所指亢日處鄉四維已定八卦相望視其吉凶介
蟲先見乃對元王曰今昔甲子宿有牽牛河水大會鬼神相謀
漢正南北江河同期南風新至江使先來白雲難漢萬物盡留
斗柄指日使者當囚玄服輜車其言爲龜王急使人問而求之
此皆以日月星辰占夢之法也 注云日月星辰謂日月之行

及合辰所在者謂見夢之日所直日月行度及所會之辰若十二次二十八舍是也引春秋昭三十一年傳而云此以日月星辰占夢者者證占夢用日月星辰之法也賈疏引鄭志云張逸問占夢注云春秋昭三十一年十二月辛亥朔日有食之是夜也趙簡子夢童子佩而轉以歌旦而日食占諸史墨對曰六年及此月也吳其入郢乎終亦弗克入郢必以庚辰日月在辰尾庚午之日始有適火勝金故弗克此以日月星辰占夢者不知何術占之簡問不了荅曰日月在辰尾夏之九月辰在房末有尾星建戌屬寅寅與申對辰與戌對申近庚辰與戌對故知庚辰辰下爲主人故午爲主人金侵火故不勝雖不勝卽復故云弗克日有適氣時得九月節者以庚午在甲子篇辛亥在甲

周禮正義

禮四十八

五

楚學社本

五百四十九

辰篇也中有甲戌甲申甲午戌一月也從庚午以下四日從甲辰至辛亥八日并之十二日通同四十二日賈又釋之云如是庚午之日當在八月十九日故言時得九月節也言雖不勝卽復者以其庚金午火位相連故云雖不勝卽復也言雖不勝者災君臣爭宮秦救復至不能定楚是其不勝不能損災是明卽復也又引鄭志云問曰何知有此厭對之義乎答曰按堪輿黃帝問天老事云四月陽建於巳破於亥陰建於未破於癸是爲陽破陰陰破陽故四月有癸亥爲陰陽交會十月丁巳爲陰陽交會言未破癸者卽是未與丑對而近癸也交會惟有四月十月也若有變異之時十二月皆有建厭對配之義也又引服虔左傳注云是歲歲在新木後六年在大梁大梁水宗十一月日

在星紀爲吳國分楚之先顓頊之子老童童子楚象行歌象楚
走哭姬姓日月在星紀星紀之分姬姓吳也楚衰則吳得志吳
世世與楚怨楚走夫其國故曰吳其入郢吳屬水水數六十月
水位故曰六年及此月也有適而食故知吳終亦不克又云後
六年定四年十一月閏餘十七閏在四月後其十一月晦晦庚
辰吳入郢在立冬後復此月也十二月辛亥日會月於龍尾而
食庚午日初有適故曰庚辰一日日月在辰尾尾爲亡臣是歲
吳始用子胥之謀以伐楚故天垂象又云午火庚金也火當勝
金而反有適故爲不克晉諸侯之霸與楚同盟趙簡子爲執政
之卿遠夷將伐同盟日應之食故夢發簡子賈又釋之云服氏
以庚午之日日始適火勝金故不克入楚必以庚辰此與鄭義

周禮正義 禮四十八

五十四十九

則其餘略相依也又引鄭志云問曰周之十二月夏之十月日
夏體正應在析木而云在星紀何答曰據此月中有十一月節
故舉言之案據賈所述服子愼亦兼主占夢與鄭合左傳杜注
謂史墨釋日食之咎而不釋夢非鄭義又今本左傳保作贏適
作譎字並同云其術則今入會其遺象也者賈疏云按堪輿大
會有入也小會亦有入錢大昕云堪輿入會之名淮南天文訓
有之其言曰北斗之神有雌雄十一月始建於子月從一辰雄
左行雌右行五月合午謀刑十一月合子謀德太陰所居辰爲
厭日厭日不可以舉事堪輿徐行雄以音知雌故爲奇辰數從
甲子始子母相求所合之處爲合十日十二辰周六十日凡八
合合於歲前則死亡合於歲後則無殃甲戌燕也乙酉齊也丙

午越也丁巳楚也庚辰秦也辛卯戎也壬子趙也癸亥胡也淮南所云雄者陽建也雌者陰建也陰建亦謂之厭合八宿八會也今依淮南及堪輿天老說推衍之正月陽建寅破於申陰建戌破於辰二月陽建卯破於酉陰建酉破於卯乙近卯故二月乙酉爲八會之一三月陽建辰破於戌陰建申破於寅甲近寅故三月甲戌爲八會之二四月陽建巳破於亥陰建未破於丑癸近丑故四月癸亥爲八會之三五月陰陽建俱在午而破於子壬近子故五月壬子爲八會之四六月陽建未破於丑陰建巳破於亥七月陽建申破於寅陰建辰破於戌八月陽建酉破於卯陰建卯破於酉辛近酉故八月辛卯爲八會之五九月陽建戌破於辰陰建寅破於申庚近申故九月庚辰爲八會之六

周禮正義 禮四十八

五十四

十月陽建亥破於巳陰建丑破於未丁近未故十月丁巳爲八會之七十一月陰陽建俱在子而破於午丙近午故十一月丙午爲八會之八十二月陽建丑破於未陰建亥破於巳此建厭所在及八會之名也越絕書云大歲八會壬子數九吳越春秋云合壬子歲前合也合庚辰歲後會也左傳史墨占吳入郢必公庚辰亦以建厭所對知之則八會之占由來古矣淮南所列甲戌至癸亥蓋大會之日其下又有戊戌己亥己酉己卯戊午戊子當是小會之日而尙缺其二以例推之當是戊辰己巳也云用占夢則亡者漢時堪輿家雖據八會以占吉凶未有用之占夢者故云用占夢則亡也一曰正夢無所感動不安自夢也一日正夢者以下六夢皆夢之象感此官辨是六者而以人卜

三夢之法參互占之

注云無所感動平安自夢者對下五夢

皆是有所感動而夢也楚辭離騷王注云正平也故曰平安自

夢一曰噩夢杜子春云噩當爲驚愕之愕謂驚愕而夢

疏注杜

子春云噩當爲驚愕之愕謂驚愕而夢者愕葉鈔釋文作鄂字

通說文驚部引此經作噩應段玉裁云驚愕之愕說文祇作噩

從卽並聲又曰噩相遇驚也從足從噩亦聲蓋子春以噩字不

可識而改爲噩許君從之是以說文無噩字卽不改經文者存

故書古字也王引之云噩卽噩字也玉篇云噩驚也噩驚也

引周官二曰噩噩爾雅釋天大歲在西曰作噩釋文噩本或作

噩史記楚世家熊曄索隱曄作噩列子周穆王篇噩夢作噩夢

噩卽曄字借曄曄之曄爲驚曄之曄此皆曄噩同字之明證說

文選詳訟也從卽並聲又應字注引周禮二曰罍應隸省作𠄎
凡字之從卽從𠄎者皆同意故從卽之字亦可從𠄎靈字從𠄎
並聲今作靈者其𠄎字曲畫隸皆變作直畫又省而爲王耳然
則靈卽𠄎之改作非俗書也故杜牧靈爲𠄎而鄭不改字案王
說是也驚愕則心爲之感動故因而成夢三曰思夢覺時所思
念之而夢疏二曰思夢者列子周穆王篇云神遇爲夢形遇爲
事故書思夜夢神形所遇卽此思夢是也 注云覺時所思念
之而夢者說文心部云念常思也思念則情感蘊結故因而成
夢潛夫論夢列篇云書有所思夜夢其事乍吉乍凶善惡不信
者謂之思思念與想義同四曰寤夢覺時道之而夢疏四曰寤
夢者寤釋文云本又作寤案說文寤部云寐覺而有言曰寤一

曰晝見而夜寢也寢猶文寢寢蓋卽猶文寢之省又徐鉉校本
說文寢字注引此作悟夢與徐鍇繫傳本異不足據說文前一
訓謂寐覺之後神志愜悅而有言也與六夢寢夢無涉後一訓
似卽釋此寢夢之義御覽人事部引周書程寢寢說大猷得吉
夢文王乃召太子發占之于明堂蓋卽以夢爲寢與此寢夢之
義亦異 注云覺時道之而夢者阮元云廣韻引此時下有所
字按上思夢注云覺時所思念之而夢則此亦當有所字今本
脫也案阮校亦通但列子張注襲此注亦無所字廣韻所引疑
傳寫增益也小爾雅廣言云寢覺也此義與說文晝見義相近
蓋覺時有所見而道其事神思偶涉亦能成夢與上思夢爲無
所見而馮虛想象之夢異也五曰喜夢喜說而夢

疏注云喜說

而夢者說文喜部云喜樂也意說也經典通作喜心有喜說則
感動而成夢六曰懼夢恐懼而夢疏注云恐懼而夢者說文心
部云懼恐也心有恐懼亦感動而成夢也季冬聘王夢獻吉夢
于王王拜而受之聘問也夢者事之祥吉凶之占在日月星辰
季冬日窮于次月窮于紀星迴于天數將幾終於是發幣而問
焉若休慶之云爾因獻羣臣之吉夢於王歸美焉詩云牧人乃
夢眾維魚矣旒維旐矣此所獻吉夢疏季冬聘王夢者以下掌
歲終爲王來歲所吉夢應惡夢也云獻吉夢于王者鄭謂獻羣
臣之吉夢其義難通竊謂當仍是獻王之夢蓋一年所夢皆使
此官占之有吉有凶咸應時獻其占而自藏其副貳至歲終則
總計一年所占錄其吉者述其符應而獻之於王蓋亦歲終受

成獻功之典而兼致頌禱賀慶之意也云王拜而受之者拜經
例用古字當作擇詳大祝疏石經及宋以來版本並誤此示受
吉於神故重其事也御覽人事部引周書程寤篇亦云文王及
太子發並拜吉夢受商之大命於皇天上帝與此禮同 注云

聘問也者爾雅釋言文云夢者事之祥者賈疏云若對文禱祥
是善妖孽是惡散文祥中可以兼惡夢者有吉有惡故云夢者
事之祥也云吉凶之占在日月星辰者據上文云季冬日窮于
次月窮于紀星週于天數將幾終者月令季冬令文通彼文作
回鄭彼注云言日月星辰運行於此月皆周而於故處也次舍
也紀會也賈疏云次謂日辰所在季冬日月會于玄枵是日窮
于次紀謂星紀日月五星會聚之處謂斗建所在十二月斗建

丑故云月窮于紀星謂二十八宿十三月復位此十二月未到
本位故直云星通于天數將幾終者幾近也至此十二月歷數
將終云於是發幣而問焉若休慶之云爾者據聘禮有發幣故
意此聘夢亦發幣也國語周語劉康公聘於魯晉羊舌肸聘於
周並云發幣於大夫韋注云發其禮幣是也國有休慶之事則
有聘問鄭意此聘王夢亦謂爲王聘問吉夢因而以幣休慶之
此發幣卽謂釋幣於神與下贈惡夢用釋菜禮相變亦相成非
發幣於王也御覽皇王部引帝王世紀載太姒得吉夢文王命
祝以幣告於宗廟羣神然後占之亦釋幣之禮也俞樾云聘猶
月令聘名士之聘以禮求之也下文贈惡夢注云贈送也是惡
夢可以贈之使去則吉夢亦可聘之使來季冬聘王夢爲王求

吉夢也故卽繼之曰獻吉夢於王明求得吉夢卽獻之也案俞說是也此經先聘夢次獻夢王拜受獻蓋與天府司民所紀祭司民司祿獻民數穀數王拜受獻節次略同是聘夢與司民司祿之祭禮相倣明聘贈皆卽迎新釐卻之事與占問不相涉卽以問釋聘與小聘曰問義同亦正是求吉之意非謂占問以前之吉夢也云因獻羣臣之吉夢於王歸美焉者賈疏云君統臣功故獻吉夢歸美於王也曾釗云獻吉夢于王上承聘王夢下接舍萌于四方以贈惡夢則此吉夢亦王之吉夢也俞樾云羣臣之夢何與於王而獻之卽云歸美亦何必拜而受之如此之重乎注非是案曾俞說是也引詩云牧人乃夢取維魚矣旒維旌矣者證獻夢之事此詩小雅無羊篇文箋云牧人乃夢見相

與捕魚又夢見旄與旗占夢之官得而獻之於宣王將以占國
 事也彼箋卽據此經爲釋云此所獻吉夢者鄭意彼牧人卽羣
 臣而以吉夢聞於王明羣臣有吉夢得獻於王實則此所獻者
 爲王之夢與詩所紀事不同也乃舍萌于四方以贈惡夢杜子
 春讀萌爲明又云其字當爲明明謂敗疫也謂歲竟逐疫置四
 方書亦或爲明玄謂舍讀爲釋舍萌猶釋采也古書釋采釋奠
 多作舍字萌菜始生也贈送也欲以新善去故惡疏乃舍萌于
 四方以贈惡夢者蓋與獻吉夢同口事相因也 注云杜子春
 讀萌爲明又云其字當爲明者萌明聲類同杜蓋讀明爲覲禮
 方明之明徐養原云萌與明古字通漢書地理志廣漢郡葭明
 續漢志及史記貨殖傳並作葭萌云明謂敗疫也謂歲竟逐疫

置四方者數疫不得謂之明此明上疑當有舍字杜意疫病皆鬼神所爲舍之卽謂敗之廣雅釋詁云捨置也舍捨字通敗而置之遠卽所謂舍也男巫云冬堂贈無方無筭杜注亦云堂贈謂逐疫也無方四方爲可也此四方猶男巫云無方非舞師大宗伯所說四方地卅也但舍明爲逐疫於經無徵下文敗疫又不云舍明故後鄭不從云書亦或爲明者謂故書別本亦或作明如杜說也云玄謂舍讀爲釋舍萌猶釋采也者采毛晉本作菜下同段玉裁云子春改萌爲明而不易舍鄭君易舍爲釋而不易萌詒讓案舍釋采菜字並通古凡祓禳之事或有釋菜土喪禮喪大記國君弔大夫士至門皆先釋菜與祓禳正相類鄭二禮注以爲禮門神非也此贈惡夢蓋用祓禳禮故亦有釋菜

也釋菜禮詳大胥疏云古書釋采釋奠多作舍字者月令仲春
命樂正習舞釋菜此經大胥職及大戴禮記夏小正傳呂氏春
秋仲春紀並作舍采祭統舍奠注云舍當爲釋聲之誤也王制
天子出征反釋奠于學此經大祝職亦作舍奠是也云萌菜始
生也者說文艸部云萌艸芽也釋菜當取新者故謂之萌云贈
送也者廣雅釋詁同聘禮云公使卿贈如餽幣注亦云贈送也
吉夢曰聘故惡夢言贈文相對也云欲以新善去故惡者賈疏
云舊歲將盡新年方至故此時贈去惡夢遂令始難敵疫令令
方相氏也難謂執兵以有難卻也方相氏蒙熊皮黃金四目玄
衣朱裳執戈揚盾帥百隸爲之歐疫癘鬼也故書難或爲儻杜
子春難讀爲難問之難其字當作難月令季春之月令國難九

門牒屢以畢春氣仲秋之月天子乃難以達秋氣季冬之月命
大司大難旁牒出土牛以送寒氣疏遂令始難敵疫者此家上
文謂季冬之難也說文馬部云敵古文驅从支敵卽敵之隸變
唐石經敵字損缺及射鳥氏敵鳥爲方相氏敵疫敵方良石經
並作敵此經亦當同然說文敵在殳部與古文驅字別石經誤
也今從宋婺州本嘉靖本汪道昆本互詳射鳥氏疏 注云令
方相氏也者以方相氏掌三時難此季冬難則占夢命之與
彼爲官聯也云難謂執兵以有難卻也者釋名難之義戰國策
秦策高注云難猶敵也廣雅釋言云卻退也謂執兵敵而卻退
之淮南子時則訓高注云儻猶除也論語鄉黨皇疏引譙周二
儻卻之也亦與鄭義略同云方相氏蒙熊皮黃金四目玄衣朱

裳執戈揚盾帥百隸爲之歐疫癘鬼也者並據方相氏文釋名
釋天云疫殺也言有鬼行殺也厲疾氣也中人如磨厲傷人也
厲癘字通疫鬼詳方相氏疏云故書難或爲儺者故書有兩本
一本作難一本作儺也云杜子春儺讀爲難問之難其字當作
難者杜子春下賈疏述注有云字是也今本並說段玉裁云難
問之難如八十一難經之難儺杜子春讀爲難問而鄭從之故
古夢方相氏注皆云難卻於月令季春仲秋季冬注云此難難
陰氣也此難難陽氣也難皆當讀乃旦反杜云讀爲難問之難
者訓其音義也云其字當作難者定其形不當作儺又三引月
令皆作難以爲證說文人部儺行有節也引詩佩玉之儺不引
周禮然則許君亦依杜說歐疫之字作難矣論語鄉人儺卽郊

特牲之鄉人賜也釋文引鄭說曰魯讀爲獻今從古郊特牲注
曰賜或爲獻或爲難蓋鄭君古論語本作難後人改之加人旁
耳劉昌宗依杜難音乃且反是也戚衮言乃多反乃詩竹竿難
字之音陸氏無識於方相氏月令郊特牲鄉黨皆音乃多反淺
人反以難爲歐疫正字改易消譌音形俱失案段校是也今論
語鄉黨篇呂氏春秋季春仲秋季冬紀淮南子時則訓字並作
儺淮南高注云儺讀躁難之難與杜讀略同論語皇疏謂曰作
儺儺之聲以激疫鬼妄說不足據引月令季春之月命國難九
門磔禳以畢春氣者難舊本誤儺下同今據明注疏本正鄭彼
注云此難難陰氣也陰寒至此不止害將及人所以及人者陰
氣右行此月之中日行歷昴昂有大陵積尸之氣氣伏則厲鬼

隨而出行命方相氏帥百隸索室敗喪以逐之又磔牲以攘於
四方之神所以畢止其災也王居明堂禮曰季春出疫于郊以
攘春氣孔疏引熊氏云國難唯天子諸侯有國爲難賈疏說同
云仲秋之月天子乃難以達秋氣者鄭彼注云此難難陽氣也
陽暑至此不衰害本將及人所以及人者陽氣左行此月宿直
昴畢昴畢亦得大陵積尸之氣氣佚而厲鬼亦隨而出行於是
亦命方相氏帥百隸而難之王居明堂禮曰仲秋九門磔禳以
發陳氣禦止疾疫孔疏引熊氏云此云天子乃難唯天子得難
以其難陽氣陽是君重則諸侯以下不得難陽氣也賈疏說同
云季冬之月命有司大難旁磔出土牛以送寒氣者鄭彼注云
此難難陰氣也難陰始於此者陰氣右行此月之中日歷虛危

虛危有墳墓四司之氣爲厲鬼將隨強陰出害人也旁疎於四方之門保據也出猶作也作土牛者丑爲牛牛可牽止也送猶畢也賈疏云命有司者謂命方相氏言大難者從天子下至庶人皆得難此子春雖引三時之難惟卽季冬大難知者此經始難文承季冬之下是以據季冬大難而言論語鄉黨皇疏云月令三儻俱是天子所命春是一年之始彌畏災害故命國民家家悉儻八月儻陽陽是君法臣民不可儻君故稱天子乃儻也十二月儻雖是陰旣非一年之急故民亦不得同儻也案依皇說則萬民唯季春得儻與賈說季冬庶人得難正相反呂氏春秋季春作命國人儻則似通國得儻與皇說合但據月令孔疏引鄭論語注釋鄉人儻亦爲十二月之儻則鄭意當如賈說皇

周禮正義 禮四十八

三百四十二

謂十二月民不得難孔氏廣其違鄭義是也

祗禘掌十輝之瀝以觀妖祥辨吉凶妖祥善惡之徵鄭司農云輝謂日光炁也疏掌十輝之瀝者謂占驗望氣之法式有此十古亦卽祗禘之官法也注云妖祥善惡之徵者說文女部云妖巧也示部云祗地反物爲祗也祥福也一日善妖卽妖之省經典通借爲祗字若蒧氏庭氏天鳥字又段天爲之祗亦省作祗國語晉語云辨妖祥於謠章注云妖惡也祥善也呂氏春秋初樂篇云祥者福之先者也妖者禍之先者也若左昭十五年得梓慎見赤黑之祗曰非祭祥也喪氣也卽妖微之祗也漢書五行志述世範五行傳說云凡草木之類謂之妖妖猶天胎言尙微蟲豸之類謂之孽及六畜謂之禍及人謂之病甚則異物

生謂之青自外來謂之祥祥猶禎也此以祥與妖同爲惡徵與此義異賈氏云祥是善之徵妖是惡之徵故言善惡之徵此妖祥相對若散文祥亦是惡徵毫有祥桑之類是也鄭司農云輝謂日光炁也音釋文云炁本亦作氣阮元云賈疏作氣炁俗字下注皆作氣詒讓案炁字不體詩大雅靈臺孔疏引此注亦作氣說文火部云輝光也日部別有暉字亦訓光與輝同義依許書字例日光氣字當作暉先鄭此注及後鄭大卜注字並從輝輝暉爲日月光氣之通名秦漢以後天官家以爲氣圍繞日月之專名暉字俗作暉戰國策趙策云故日月暉於外其賊在於內韓非子備內篇暉作暉圍釋名釋天云暉捲也氣在外捲結之也日月俱然呂氏春秋明理篇云日有暉珥高注云氣圍繞

日周匝有似軍營相圍守故曰暈也此皆後世分別之義依天官測算日輪距地至遠光體本無變動此十輝並地氣蒸騰日光穿映視之成暈如在日旁虹升雲布亦復如是古望氣之術占驗吉凶若以日旁氣爲尤重故二鄭並以日光氣爲釋保章氏注釋雲物亦云視日旁雲氣之色漢書陳涉傳周文爲項燕軍視日頗注引服虔云視日旁氣也其義並同一曰禘二曰象三曰鑄四曰監五曰閤六曰替七曰彌八曰敘九曰濟十曰想故書彌作迷賡作資鄭司農云殿陰陽氣相侵也象者如赤鳥也鑄謂日旁赤圓面反鄉如輝狀也監雲氣臨日也閤日月食也替日月替替無光也彌者白虹彌天也敘者雲有次序如山在日上也濟者升氣也想者輝光也玄謂鑄遺如童子佩鐙之

鐫謂日旁氣刺目也監冠珥也彌氣貫日也隋虹也詩云朝隤
于西想雜氣有似可形想疏注云故書彌作迷隤作資者徐養
原云彌迷隤資皆同音相通隤之爲資猶齋之爲資也大戴禮
保傳云衛靈公之時迷子瑕不肖而任事此彌迷通用之證鄭
司農云隤陰陽氣相侵也者敘官注云隤陰陽氣相侵漸成祥
者晉書天文志云謂陰陽五色之氣浸淫相侵或曰抱珥背倚
之屬如虹而短是也案晉志所載或說並與二鄭不同疑賈馬
及干氏義云象者如赤鳥也者晉天文志云謂雲氣成形象如
赤鳥夾日以飛之類是也案詳大卜疏云鐫謂日旁氣四面反
鄉如輝狀也者輝釋文作暈云本亦作輝案此輝謂繞日之氣
也暈卽暉之俗經注輝並與暉同後人妄生分別以繞日之氣

別爲暈字遂改此注以異於經之十輝陸本不足據也先鄭此義蓋以鑄爲鑄說文角部云釧環之有舌者重文鑄釧或从金商惠士奇云鑄者鑄也說文玉部璽璫璫通故鑄或從商或從萬鑄省作商揚雄大玄所謂紫蜺商雲朋圓日也雲氣形如缺環謂之鑄與鑄通讀爲釧釧之釧淮南子覽冥訓曰君臣乖心則背鑄見於天高注云日旁五色氣在兩邊外出爲背外向爲鑄商或作火音相近也漢延平元年六月丁未日暈中外有僞背兩耳鑄鑄僞商實一字後魏皇始二年十月壬辰日暈有僞璫佩作背璫卽僞則佩璫爲鑄信矣案惠說是也續漢書輿服志劉注引通俗文云缺環曰鑄此義蓋與缺同國語晉語金玦韋注云玦如環而缺以金爲之如環而缺故有四面反鄉之形

漢書天文志云日月暈適背穴抱珥垂蜺顏注引孟康云背形如背字也穴多作鑄其形如半鑄也開元占經日占篇引石氏云氣青赤曲向外中有一橫狀如帶鉤名爲璣今案孟云如半鑄石云名爲璣亦卽缺也又呂氏春秋明理篇云日有倍僞高注云倍僞皆日旁之危氣也在兩旁反出爲倍在上反出爲僞案高說氣反出或在兩旁或在上皆所謂反鄉也此注云四面蓋兼彼二義開元占經日占篇引春秋感精符云日四背璣臣射主背璣有四卽四面反鄉之形也云監雲氣臨日也者晉天文志云謂雲氣臨在日上也說文臥部云監臨下也開元占經日占篇引石氏云氣在日上名爲戴戴之色青赤案監似卽戴也日上氣又有名冠者詳後云闌日月食也者說文日部云情

日無光也闇卽暗之借字晉天文志云謂日月蝕或曰光脫也
俞樾云闇卽春秋所謂晦也僖十五年己卯晦成十六年甲午
晦公羊傳並曰晦者何冥也是其事也案俞說是也日月食爲
大異不當在十輝之數先鄭說未允呂氏春秋明理篇云其日
有不光有晝盲高注云盲冥也此闇卽所謂晝盲與下晝爲不
光異開元占經日占篇引春秋釋云后族專權謀爲國害則日
晝昏亦謂此也云晉日月營營無光也者一切經音義引三
云營不明也晉天文志云謂營營不光明也釋名釋天云蒙日
光不明蒙蒙然也開元占經日占篇引黃帝用兵要法云日蒙
蒙無光士卒內亂蒙蒙與營並一聲之轉此營謂日見而無光
與上闇爲全不見日小異惠士奇云續漢五行志注引京房占

曰國有佞讒朝有殘臣則日不光闇冥不明孟康曰日月無光
曰薄元帝永初元年四月日色青白無影正中時有影無光漢
帝時日出東方赤如血無光是爲眚云彌者白虹彌天也者藝
文類聚天部引尙書考靈曜注云日旁氣白者爲虹御覽天部
引月令章句云虹蜺蜺也陰陽交接之氣著於形色者也雄曰
虹雌曰蜺虹常依陰雲晝見於日衝無雲不見大陰亦不見蜺
常依蒙濁見日旁白而直曰白虹凡日旁者四時常有之又引
晉陽秋云建武元年虹長彌天漢書司馬相如傳顏注云彌竟
也彌天猶云竟天晉天文志云謂白虹彌天而貫日也此兼用
後鄭義又案先鄭義與後鄭異而從今書作彌則同賈疏謂先
鄭從故書爲迷誤云敘者雲有次序如山在日上也者敘序古

周禮正義 禮四十八

三才學社本

五百四十九

今字敘者之敘疑亦當作序凡注例述經字亦不必依元文今
本疑後人依經改之說文支部云敘次第也晉天文志云謂氣
若山而在日上或曰冠珥倍倚重疊次序在於日旁也云騰者
升氣也者毛詩曹風候人篇南山朝陽傳云騰升雲也爾雅釋
詁云騰陞也案隋卽騰之異文陞升字同升氣亦卽升雲先鄭
升氣之詁與後鄭詩鄰風蜺蜺箋同則亦以騰爲虹其異於彌
者長不必竟天耳晉天文志云謂於氣也或曰虹也亦兼取二
鄭義云想者輝光也者亦謂光氣可想象也云玄謂鑄讀如童
子佩鑄之鑄謂日旁氣刺日也者晉天文志鑄作鑄云日旁氣
刺日形如童子所佩之鑄開元占經日占篇引孝經雌雄圖云
日刺者爲有氣刺日中也案童子佩鑄詩鄰風芄蘭文毛詩鑄

作鵞段玉裁云蓋三家詩有作童子佩鵞者其義則同毛詩作鵞也說文鵞佩角銳端可以解結日旁氣刺日故取銳端之義也三家詩蓋假鵞爲鵞案段說是也說文金部云鵞當也此日旁之氣於義義無取惟詩佩鵞字或爲鵞與氣刺日之義相近故後鄭讀從之鄭內則注云鵞兒如盤廣雅釋器云鵞鋒也與鵞義正同又開元占經日占篇引春秋考異鄭云臣謀反瑀刺日漢天文志注引如信云有氣刺日爲鵞鵞扶傷也此以鵞爲鵞與後鄭讀異而義亦同云監冠珥也者賈疏云謂有赤雲氣在日旁如冠耳珥卽耳也今人猶謂之日珥詒讓案後鄭意監者謂日上下兩旁有氣內向如相監守也以先鄭云雲氣臨日義未賅故易之冠珥者呂氏春秋明理篇高注云日旁危氣在

上內向爲冠兩旁內向爲珥淮南子覽冥訓高注云內向爲珥
在上外出爲冠與呂覽注義小異釋名釋天云珥氣在日兩旁
之名也珥耳也言似人耳之在兩旁也漢天文志注引孟康云
珥形點黑也如清云凡氣在日上爲冠爲戴在旁直對爲珥開
元占經日占篇引石氏云有氣青亦立在日上名爲冠日兩旁
有氣短小中赤外青名爲珥又引王朔云日冠者氣門也冠者
如半暈也法當在日上珥耳也珥者當加耳也又月占篇引黃
帝占云月珥而冠者天子大喜或大風又引荊州占云月珥而
戴不出百日主有喜是月亦有冠珥矣云彌氣貫日也者亦取
彌互貫而之義謂雲氣貫日中而旁出破先鄭白虹彌天之義
晉志謂白虹貫日并二鄭義爲一非也開元占經日占篇引京

氏占云日中有白雲貫天下有白徒之眾三年至其黑雲天下有謀不成又引荊州占云赤雲貫日如建鼓三年不雨並氣貫日之事也云隳虹也者此補成先鄭義也引詩云朝隳于西者鄭風蝦蟇首章云蝦蟇在東毛傳云蝦蟇虹也次章云朝隳于西傳云隳升也鄭箋云朝有升氣於西方孔疏云隳亦虹也言升氣者以隳升也由升氣所爲故號虹爲隳釋名釋天云蝦蟇其見每於日在西而見於東蝦飲西方之水氣也見於西方曰升朝日始升而出見也詒讓案虹者本名因其爲雨氣上升映日成采故又謂之隳先鄭亦釋隳爲虹後鄭不易其義也云想雜氣有似可形想者謂日旁雜氣形類人物與上象相類晉天文志云謂氣五色有形想也青饑赤兵白喪黑憂黃熟或曰想

思也赤氣爲人獸之形可思而知其吉凶也掌安宅敘降宅居也降下也人見妖祥則不安主安其居處也次序其凶禍所下謂禳移之疏掌安宅敘降者謂民宅攘除妖祥之事若後世相宅家言也蓋民宅有吉凶其氣祲亦有衰王此官掌望臆而安之注云宅居也降下也者並爾雅釋言文司巫保章氏土方氏注並同云人見妖祥則不安主安其居處也者賈疏云掌主也此官主安居者人見妖祥則意不安主其居處不使不安惠上奇云安其宅故曰安宅周書寶典四位一日定定得安宅成疏五示四曰安宅示帑云次序其凶禍所下謂禳移之者此亦在用今字作序也此以望氣知民宅凶禍所降下猶保章氏以五雲之物辨吉凶水旱降豐荒之祲象次序之者謂見妖祥則

以方位日辰占法次序推其凶禍所下之地可禳者禳卻之不可禳者則令移徙以就吉鵲冠子學問篇云神徵者風采光景所以序怪也與此序降義略同**正歲則行事**占夢以季冬、贈惡夢此正月而行安宅之事所以順民**疏**注云占夢以季冬、贈惡夢者據占夢文云此正月而行安宅之事所以順民者小宰注云正歲謂夏之正月以其皆取除舊布新之義故於占夢贈惡夢之後一月行之所以順民之志也**終歲則弊其事**弊斷也謂計其吉凶然否多少**疏**歲終則弊其事者歲終亦夏之季冬詳宰夫疏弊其事謂通計一歲所占之事課其驗否猶卜筮官歲終計其占之中否亦祗視之官計也 注云弊斷也者大宰注同云謂計其吉凶然否多少者謂校其禳移之驗否以計其功

事也賈疏云占夢之官見有妖祥則告之吉凶之事其吉凶或中或否故至歲終斷計吉凶也然謂中也知中否多少而行賞罰案此自謂祇裨當官所行之事不與占夢爲官聯也賈說失之